

*samning milli Íslands, Danmerkur, Finnlands, Noregs og Svíþjóðar um félagslegt öryggi*, undirskrifuð af forsetanum sama dag, nr. 53.

*Lög um breyting á lögum nr. 53 27. júní 1921, um hvíldartíma háseta á íslensk-um botnvörpuskipum, og á lögum nr. 45 7. maí 1928, um breyting á þeim lögum*, undirskrifuð af forsetanum sama dag, nr. 54.

*Lög um breytingu á gjafabréfi hjónanna Helga Þórarínssonar og Höllu Einarsdóttur fyrir hálfri jörðinni Þykkvabæ í Landbroti o. fl. til handa Kirkjubæjarhreppi í Vestur-Skaftafellssýslu*, undirskrifuð af forsetanum sama dag, nr. 55.

*Lög um veitingu ríkisborgararéttar*, undirskrifuð af forsetanum 10. apríl 1956, nr. 56.

*Lög um prentrétt*, undirskrifuð af forsetanum sama dag, nr. 57.

*Forsetabréf um þingrof og almennar kosningar til Alþingis 24. júní 1956*, undirskrifað af forsetanum 27. marz 1956, nr. 58.

## REGLUGERÐ

118

22. marz

um breyting á reglugerð nr. 103 29. sept. 1936, fyrir vélskólann í Reykjavík.

### 1. gr.

Fyrirsögn 2. töluliðs 2. greinar orðist þannig:  
Inntökuskilyrði í I. bekk meiri vélstjóradeildar.

### 2. gr.

Eftir 2. tölulið komi nýr liður og orðist þannig:  
Inntökuskilyrði í II. bekk meiri vélstjóradeildar:  
Nemandinn hafi staðizt I. bekkjar próf deildarinnar með eigi lægri meðaleinkunn en 4.00 eða hlotið a. m. k. 5.00 í vetrareinkunn í I. bekk.

### 3. gr.

3. og 4. töluliður sömu greinar breytist í 4. og 5. tölulið.

### 4. gr.

12. gr. orðist þannig:

Þeir námssveinar II. bekkjar vélstjóradeildar, sem hlotið hafa minnst 3.00 í vetrareinkunn, eiga rétt á að ganga undir próf. Þetta ákvæði gildir einnig um náms-sveina rafmagnsdeilda. Utanskólasveinar, sem kunna að óska eftir að ganga undir próf, skulu senda umsókn um það til forstöðumanns skólans, stílaða til ráðuneyt-ísins, eigi síðar en mánuði fyrir próf. Beiðninni skulu fylgja vottorð um, að sveinn-inn uppfylli kröfur þær, sem settar eru í 2. gr., um inntöku í þá deild, sem um er að ræða, og auk þess vottorð um þann undirbúning, sem hann hefur fengið.

### 5. gr.

Upphaf 14. gr. orðist þannig:

Prófin eru skrifleg, munnleg og verkleg, nema í I. bekk aðeins skrifleg og munnleg.

Reglugerð þessi öðlast þegar gildi.

*Menntamálaráðuneytið, 22. marz 1956.*

**Bjarni Benediktsson.**

*Birgir Thorlacius.*